

## FUNDARGERÐ

SKJALALYKILL	VERKHEITI	
7852-002-FUN-023-V01	Svæðisskipulag Suðurlandis	
DAGS. / TÍMI FUNDAR	VERKKAUPI	
15.12.2022	SASS	
NR. FUNDAR	FUNDAREFNI	
23	Greinargerð og stefnumörkun Umhverfisskýrsla	
FUNDARGERÐ	FUNDARBOÐARI	FUNDARSTAÐUR
HB 16.12.2022	SASS	Fjarfundur
FUNDARMENN	FYRIRTÆKI	
Ari B. Thorarensen, Rúnar Guðmundsson Nanna Jónsdóttir, Ísleifur Jónsson Helgi Kjartansson, Guðrún S. Magnúsdóttir Harpa Magnúsdóttir Björn Kristinn Pálmarsson, Smári B. Kolbeinsson Jón Bjarnason, Halldóra Hjörleifsdóttir Jóhannes Gunnarsson, Elín Heiða Valsdóttir Gunnar Aron Ólason, Ingvar P. Guðbjörnsson Georg Frumuselu Vigfús Þór Hróbjartsson Gísli Gíslason, Sigmar Metúsalemsson, Hrafnhildur Brynjólfsdóttir Bjarni Guðmundsson	Árborg Ásahreppur Bláskógabyggð Flóahreppur Grímsnes- og Grafningsshr. Hrunamannahreppur Skaftárhreppur Rangárþing ytra Mýrdalshreppur UTU og Ásahreppur Verkfræðistofan EFLA SASS	
Dreifing	Fyrirtæki	
Bjarni Guðmundsson	SASS	
Fundarskjöl	Næsti fundur	
Vinnuskjöl: Greinargerð svæðisskipulags, umhverfisskýrsla, umsögn Vegagerðar	Febrúar - ódagsettur	

Engin athugasemd barst vegna fundargerðar 22. fundar og telst hún samþykkt.

## Fundardagskrá

1. Opnun fundar
2. Vinnslutillaga að svæðisskipulagi ásamt umhverfisskýrslu - samþykkt

### 1. Opnun fundar

Helgi Kjartansson opnaði fundinn. Fundargögn fóru til fundarfólks með góðum fyrirvara og þau eru:

- Greinargerð svæðisskipulags
- Umhverfisskýrsla
- Umsögn Vegagerðarinnar

Haldinn var fundur í vikunni með fulltrúum Vegagerðarinnar, stjórn svæðisskipulagsins og ráðgjöfum. Þar óskaði Vegagerðin eftir áframhaldandi samtali í samráðshóp um vegi. Verður óskað eftir tilnefningu frá Vegagerðinni í þann hóp og boðaður fundur með stjórn svæðisskipulags, ráðgjöfum og fulltrúum Vegagerðarinnar seinni hluta janúar. Vegagerðin er sjálf að vinna að hönnunarviðmiðum fyrir vegi á miðhálandinu. Þessari vinnu átti að vera lokið en verður vonandi lokið fljótlega.

### 2. Vinnslutillaga að svæðisskipulagi ásamt umhverfisskýrslu - samþykkt

Ráðgjafar fóru yfir útsend drög að greinargerð svæðisskipulagsins með áherslu á breytingar á greinargerðinni frá síðasta fundi. Almennt hafa kort og myndir víða verið uppfærð, og texti yfirfarinn. Í kjölfar umsagnar Vegagerðarinnar voru gerðar nokkrar breytingar á tillögunni eftir síðasta fund. Nefndin ræddi drögin og ráðgjafar svöruðu spurningum nefndarfólks.

Svæðisskipulagsnefnd samþykkir greinargerð svæðisskipulagsins til kynningar á vinnlustigi, í samræmi við 23. gr. skipulagslaga, með þeim breytingum sem hér er gerð grein fyrir og voru til umræðu á fundi nefndarinnar:

- Kafli 3.1. Samgöngur, umfjöllun til skýringar
  - Bætum við umræðu um að það geti ýtt undir umferð rafmagnsbíla ef vegirnir verða skaplegri, og þar sem nú eru komnir jarðstrengir yfir Kjöl, í Kerlingafjöll og í Hólaskjól á Fjallabaki, þá séu komnar aðstæður til að setja upp hleðslustöðvar.
  - Bætum einnig við umræðu um að bundið slitlag minnkar ryk en uppþrylað ryk í þurrviðri getur sést langt að.
- Kafli 3.2.2. um ferðaleiðir fyrir reiðhjól. Breyting á orðalagi, yfirstrikað fellur út en grálitað bætist við.
  - „Færa skal meginleiðir hjólandi af meginleiðum fyrir akandi og gangandi. — eftir því sem kostur er.
- Kaflar um verndarsvæði/mannvirkjasvæði. Setjum inn til skýringar texta til að skýra forsendur fyrir afmörkun mannvirkjasvæða og að mannvirkjasvæði er merkt inn austan Mýrdalsjökuls þar sem eru virkjanir skv. rammaáætlun 3.
- Í tengslum við umfjöllun við myndir 11 og 12, sem sýna kortlagningu á víðernum eins og þau eru í dag, og víðerni skv. svæðisskipulagstillögu, skal bæta við til skýringar hvaða þættir það eru sem skerða víðerni á mynd 2 og geta þess að virkjanir í biðflokki gera það ekki. Þetta eru Kjalvegur, Sprengisandsleið og Fjallabaksleið nyrðri sem lítið uppbyggðir vegir með slitlagi, og áform skv. rammaáætlun um Búrfellslund.

Ráðgjafar fóru yfir drög að umhverfisskýrslu og breytingar á henni frá síðasta fundi. Svæðisskipulagsnefnd samþykkir umhverfisskýrslu til kynningar, í samræmi við 23. gr. skipulagslaga.

Ráðgjafar með verkefnisstjórn svæðisskipulagsnefndar og framkvæmdastjóra SASS vinna saman að undirbúningi kynningar á tillöggunni í samræmi við 23. gr. skipulagslaga. Stefnt er á 4 vikna kynningartíma sem hefjist í upphafi janúar.

Fleira ekki gert og fundi slitið.

Næsti fundur ekki fastsettur.